



Kerwespruch 1988

## Kerwespruch 1988

Ende August in jedem Jahr,  
jetzt horcht zu un spitzt es Ohr,  
do fonge, wie soll ich's oanerst soache,  
bei uns die Leit oa Borzelbeck zu schloache.  
In jedem Haus do rischts steril,  
noach Ajax, Sunlicht un Persil,  
do werd gebutzt bis es glänzt un blitzt,  
unser Momma es als naß geschwitzt,  
aa unsern Bappa, des narrisch Kresstsche,  
es gonz scharf uff unser Festsche,  
drum geht Soamsdoags unsern Hons,  
mit soiner Gretel uff de Kerwedonz,  
donn leje die Zwaa, mer soll's net glaawe,  
Oan uff's Parkett bis das de Soal duht staawe.-  
Un wonn se ferdisch soin, des glaabt mer Koaner,  
do soin ehr zwaa Paar Schuh im Oamer !  
- So ess des bei uns im Ort in jedem Haus,  
uff de Kerb do losse mer die Wutz eraus,  
de Alldoag der werd schnell vergesse,  
es werd gelacht, getrunke un gut `gesse,  
im Soal do es de Deiwel los,  
die Stimmung die es riesengroß,  
un all die Leit die kumme schee ins schwitze,  
mer Kerweborsch vum Monfred soin halt spitze.  
Aa heit Owend ziehe mer rischtisch Oan vum Lerrer,  
do flije bei uns die Hiet bis hinne werrer,  
bis moi je Frieh do mache mer koa Pause,  
beim Monfred steit die große Sause,  
denn mer Kerweborsch, mer wern net mied,  
un singe unser Kerwelied,  
drum macht mit un seid froh,  
wonn's haaßt : " **DIE Worfeller Kerb es do !** "

De Ofong, der es gepackt,  
un daß moi Stimm' mer net versackt,  
do bringt de Mundschenk, ach wie foi,  
e Gloas mit gurem Kerwewoi.  
Ich nemm en Schluck - Wie duht des gut,  
der Droppe Woi geht glei ins Blut,  
ich trink noch Oan, donn es genuch,  
un weiter geht's im Kerwespruch !

De erste Vers, es wie immer reserviert,  
 fer des wos de Kerweborsch bassiert.  
 S`es noch garnet so long her,  
 do hot Oaner vun de Feierwehr,  
 beschlosse : "Mer misst mol wirrer ebbes feiern !  
 Drum duhn ich desjohr heiern !"

Gesaacht, getan, ein Mann, ein Wort,  
 geheiert wurd` im Nachbarort.  
 Bei de Feierwehr warn all defier,  
 beim Rainer do stehn mer Spalier !  
 Aa de Georgie unsern letzte Kerwewatz,  
 der fraat sich un macht en Satz,  
 " Spalier steh es fer mich en Poste,  
 mer kann veel trinke un`s duht nix koste ",  
 drum hot`er de Harald sich geschnappt,  
 un es zum Monfred noi gedappt,  
 hot zwaa Bier bestellt un glei geschluckt,  
 korz emol uff soi Armbonduhr geguckt,  
 um Oa Uhr soin die zwee donn fort,  
 je frier mer geht desto eher es mer dort !  
 On de Kerch guckt de Georgie wirrer uff soi Uhr :  
 " Noch Koaner do in Feierwehrmontur !? "

Wie die Glocke leite, wie solls onnerst soi,  
 soin die zwee in die Kerch enoi,  
 hocke sich he un soin gonz still,  
 weil de Parre wos verzehle will.  
 Uff oamol kimmt de Harald leicht ins schwitze,  
 nirgends sieht er Oan aus Worfelle sitze.

Aa dem Georgie kimmt des Sponisch,  
 un die zwee die soin sich oanisch,  
 mer freiye unsern Näwemonn,  
 ob er uns mol soache kann,  
 fer uns do wär des nämlich wichtisch :  
 " Soin mer do iwwerhaupt richtisch ?? "

Do segt der Monn, un zieht koa Brutsch,  
 " Ich kenn die aa net, ich fahrn die Kutsch !"

Die Kerch, sie geht zuend,  
 es Brautpaar reicht sich die Händ,  
 doch wie die sich donn rumgedreht,  
 do gucke die zwaa Dolle bleed,  
 des Hochzettspaar, des honn`se nämlich net gekennt,  
 weil`se vun de Kerch die Oafongszeit verpennt,  
 vergäwens war die liebe Mieh,  
 sie warn nämlich e Stunn zu frieh !  
 Un daß dene zwaa net nochemol bassiert,  
 wos mer in unserm Vers hier korz glossiert,  
 do singe mer damit ehr`s all wisst :  
 " Un alsemol gesoffe, un alsemol gep... "

So manch Hoimwerker läßt sich net schrecke,  
 der worschtelt in de letzte Ecke,  
 un wer do Meister in soim Fach,  
 der klettert aa uffs hechste Dach ! -  
 Aa bei uns, in unserm Ort,  
 do gibts Oaner vun dere Sort,  
 der konnt die Lindetroß` schunn net meh seije,  
 drum fängt`er on soim Fernseh o zu dreije,  
 speelt on alle Kneppscher wie verrickt,  
 ob`er so en bessre Sender kriggt,  
 aa beim bastle war`er sehr versiert,  
 doch im Fernseh hot sich nix geriert. -  
 All die Bosse, die honn`em nix genitzt,  
 de Rolf der war schunn naß geschwitzt,  
 un schließlich gab`s der Mühe Lohn,  
 de Fernseh hat weder Bild noch Ton !  
 Unsern Rolf der es jo Inscheneer,  
 dene es bekonntlich nix zu schwer,  
 do hot er sich soin schlaue Kopp verrenkt,  
 un hot sich schnell wos ausgedenkt :  
 " Ich honn mit moiner Fraa de greeste Krach,  
   drum kimmt e nei Antenn uffs Dach,  
   daß`es Ruh gibt vor de Flimmerkist,  
   donn hob ich uff 12 Progromme Mist ! " -  
 Duh it juhrself - Selbst es de Mann,  
 om nächste Doch do fängt`er an,  
 er schlaaft die nei Antenn uffs Dach,  
 macht beim montiern en haufe Krach,  
 im Nu ess`er ferdisch, Blitz un Dunner,  
 doch wie kimmt die alt Antenn bloß nunner ?  
 Om Dachfenster hot`er onschoind gespart,  
 die Antenn die ging net dorch, die war se braat !  
 De Rolf segt sich : " Bist net doof,  
 schmeißt des Ding grod in de Hof ! "

Eh er donn noch long browiert,  
 do war`s aa schunn bassiert,  
 just im selwe Aacheblick,  
 wo die Antenn enunner fliggt,  
 fährt doch so e dabbisch Schof,  
 mit soim Audo in de Hof,  
 es duht en Schloach, es flije Brocke,  
 do hot des Ding im Audo dringestocke ! -  
 Der Audofahrer war gonz schee platt,  
 wie die Antenn do oigeschloache hat !  
 Dem Rolf, dem ging schee de Zappe,  
 er muß en haufe Geld berappe,  
 doch dodefehr, do konnt er dem zum Trotze,  
 uff 12 Progromme fernsehglotze,  
 un aa der Audofahrer, wollt nix meh verlonge,  
 der konnt beim audofahrn, immerhin SAT 1 empfonge !

Moi Zung` die schlägt schunn Welle,  
drum muß ich jetzt fer alle Fälle,  
erstmol dem Andreas winke,  
ich brauch ebbes zum trinke.  
Moin Hals es trocke, die Zung verbappt,  
un die Lewwer es fast oigeklappt,  
drum trink ich vun moim Kerwewoi,  
un alle stimme mit uns oi,  
" Oaner geht noch, oaner geht noch noi... "

Oa Hochzeit hann mer schunn im Spruch,  
doch des es uns als noch net genuch,  
drum erzähle mer vun Oam der Tuba speelt,  
un in Worfelle uff koaner Hochzeit fehlt. -  
Wie de Fronk soi Martina hot geheiert,  
do hot es halwe Örtche mitgefeiert,  
aa en Haufe Musiker warn gekumme  
un hann all er Instrumente mitgenomme,  
honn ordentlich uff die Pauk gehaache,  
un Rabbaz gemoacht, ohne Fraache !  
Nadierlich hot e rischtisch Bloskapell,  
aa e bisje wos fer`s Trummelfell,  
e dick Tuba die geheert nadierlich dodezu,  
wie die Melkmaschin zur Kuh,  
un selbstverständlich brauch mer aa en Monn,  
der so e Ding bediene kann !  
Jetzt waas baal jeder wen ich moane,  
bei uns do gibt`s jo blos den Oane,  
der es fer sein gute Ton bekannt,  
im Volksmund wer`er "Kupsch" genannt. -  
Beim Musikmache kriegt mer Hunger un aa Dorscht,  
doch dodefehr do hat de Fronk gesorcht,  
de Herbert sterzt uff die Werschtscher un uff`s Bier,  
un des bis Noachts um halwer vier,  
donn steit`er uff un`s wurd ihm flau,  
vun zwonzisch Bier do werd mer blau !  
Er schnappt soi Instrument un zieht los,  
hoamwärts in die Eelegässer - Stroß,  
unnerwegs do es`em donn de Film geresse,  
do es`er vorwärts uff die Gass geschmesse,  
un wie`rer wirrer uffgesteije,  
do hot er nur noch Sterncher geseije.  
Om nächste Moijend hot`er sich gewunnert,  
" Wer hot mer donn moi Instrument verdunnert ",  
soi gonz Tuba, des es net geloue,  
die war verdrickt un aa verboue,  
un de Helmut, ja so ein Mist,  
der hot vun all dem nix gewißt !  
Drum singe mer jetzt, ach wos e Schau,  
es Lied vun " **Heute blau und morgen blau ...** "

Bevor ich jetzt kumme duhn zum Schluß,  
 gibt's noch ebbes wos ich schnell verzähle muß ! -  
 Mer Kerweborsch honn jemond in unsre Reihe,  
 der duht ob Fastnoacht uff soi Fahrroad steije,  
 donn fährt'er Noachts dorch unser Ort,  
 un peift debei in Oanem fort,  
 der hot Ausdauer un werd net mied,  
 alsfort unser Kerwelied,  
 de Gerold der werd donn immer wach,  
 " Aha äwe fährt do draus de Wlach ! " -  
 Net nur de Rüdiger hält sich mit Roadfahrn fit,  
 do gibt's noch meh, jetzt kimmt de Hit,  
 im Summer do warn drei Päärcher,  
 hehrt zu, des soin koa Märcher,  
 die honn beschlosse, ich wer zum Hersch,  
 " Mer fahrn mi'm Zuuch noch Bambersch,  
     dort steije mer aus un nemme unser Road,  
     suche noach em beste Poad,  
     donn leije mer los mit veel Elan,  
     un duhn zurick noch Worfelle fahrn ! " -  
 In Bambersch oagekumme,  
 hot jeder sich soi Road genumme,  
 warm gemoacht un druffgesetzt,  
 de Monfred war schunn losgefetzt,  
 un hot gesoat : " Ich kenn mich aus,  
 Mir nach, die Erste links un donn groadaus ! " -  
 Ehr liewe Leit, wos honn die sechs sich do gefraat,  
 die Stroß war frei un herrlich braat,  
 un all die Audofahrer, honn ehr Fahrt versüßt,  
 die honn gehupt un mit Lichthup` sie gegrüßt. -  
 Do warn die sechs Worfeller rischtisch froh,  
 bis uff oamol donn im Radio,  
 die Musik plötzlich ausgeblend,  
 e Stimm sich on die Audofahrer wend :  
 " Bei Bambersch hot unsern Hubschrauwer geseije,  
     do kumme eich Fahrräder uff de Audobohn entgeije,  
     duht net iwverhole un fahrt rechts ran,  
     bis mer die Gefahr beseidischt ham ! " -  
 Die Sach es klar, wos war gescheije ?!  
 Der Monfred hat e Kreizung iwverseije,  
 un es falsch obgeboue, do wars bassiert,  
 do soin`se uff die Audobohn chauffiert,  
 doch bemerkt er soin Fehler bald,  
 donn honn se rumgedreht bevor`s geknallt.  
 De Hoinz, de Alfred un de Monfred aa,  
 selbstverständlich allesomt mit Fraa,  
 die hann en Ausfluuch mit veel trara,  
 drum singe mer des es jo klar :  
 " Ja mer soin mi'm Radl da ... "

Bevor`s jetzt weiter geht, ehr Leit,  
do nimm ich mer die Zeit,  
un bedonk mich bei dene, die uns unnerstitzt,  
die fer unser Kerb sich obgeschwitzt,  
un donn wern vun mir aa die bedacht,  
die bei unserm Umzuuch mitgemacht,  
der Nächstjohr veeleicht net starte kann,  
weil mer donn koa Leit meh honn,  
die bereit soin ehr Freizeit obzuckerze,  
um bei unserm Umzuuch mitzusterze. -  
Lost eich des e Mohnung soi,  
un hämmert se eich in eiern Kopp enoi,  
im nächste Johr des soin koa Bosse,  
do wolle mer den Umzuuch veeleicht losse.  
Drum reißt eich zomme un seit net merb,  
orrer wollt ehr koan Umzuuch uff de Kerb ??

So des war`s wos ich eich verzähle wollt,  
heit Owend werd wirrer rumgedollt,  
do werd gesunge, geschunkelt un gelacht,  
bis daß bei uns de Soal zusommebracht,  
beim Monfred do hebt sich donn die Hitt,  
denn mer Kerweborsch mer soin noch fit,  
mer donze wie die Lumpe on de Stecke,  
locke alle Mädchen aus de Ecke,  
un zwischedrin do dunn mer Lumpe,  
aa emol e Bierche bumpe,  
donn feiern mer die Nächte dorch,  
so es des bei uns Kerweborsch ! -  
Drum ehr Buwe, seit net bleed,  
noch es`es net zu spät,  
iwwerlegt net long un seid net merb,  
nur als Kerweborsch macht Spaß die Kerb. -  
Wer en richtsche Worfeller will soi,  
der triet om beste bei uns oi,  
denn Oans es klar, mer sieht`s bei jedem Feste,  
mer Kerweborsch vum Monfred soin die Beste !!

Jetzt werd`s fer uns heechst Zeit,  
bis zum Schulhof es` noch weit,  
drum duhn ich moine Männer winke,  
nimmt eier Gläsje, mer wolle Oaner trinke,  
aa moin Mundschenk, der schenkt mer oi,  
e Gloas mit goldnem Kerwewoi,  
donn losst mich moi Gloas erhewe,  
die Worfeller Kerb soll lewe,  
un aa die Leit, die soin all froh,  
wonn`s haaßt : " **DIE WORFELLER KERB ES DO** "